

Goibekokale

ELGETA / Barikua / 2004eko uztailaren 9a / 193. zenbakia

KOORDINATZAILEA: Irati Agirreazaldegi • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Uriartera ura eramateko lanak uztailean amaituta

IRATI AGIRREAZALDEGI

Uriarte auzoan urarekin dituzten arazoak konpontzeko hainbat obra egin dituzte. Bigarren zatiko lanak uste baino geroago hasi dituzten arren, horretan dihardute jadanik eta hilabete honen amaierarako lanak amaituta izatea espero dute.

Uriarte auzoko baserritarrek urarekin dituzten arazoak aurki konponduko dira. Orain dela gutxira arte iturburu batetik hartu dute ura, eta lehorte garaietan larri ibili dira urik gabe.

Uriartera ura eramateko lanen lehenengo fasea egin zuten lehen, eta bigarren zatiarekin orain dela gutxi hasi dira.

Lehenago ziren lan horiekin hastekoak, baina eraikuntza sektoreko greba dela-eta atzeratu egin zituzten obrak. Orain, errepide aldamenean zulo handi bat egin eta aurki egokituko dute hodiekin ura auzora eramateko. Lanek uztailean amaierarako amaituta egon behar lukete.

Auzo horretan bertan, Olei inguruko baserriek oraingoz ez dute urarekin arazorik, baina



Uriarte auzoan, errepide aldamenean, zulo bat egin dute ur sarea egokitzeko.

inoiz izanez gero, egongo da ur sarera lotura egiteko aukera.

Fhimasa enpresak hartu du lan horiek egiteko ardura, eta guztira 110.905 euroko kostua

izango dute. Mendi Nekazaritza Elkartek, Ur Partzuergoak eta Udalak finantzatu dituzte obrak eta baserritarrek ere kuota bat ordaindu beharko dute.

GARRAIO PUBLIKOA

Eskolara autobusez joateko dei egin dute

I.A.

Datorren ikasturtean Bergarara eskolara autobusez joan nahi duten ikasleei dei egin diete izena eman dezaten. Horretarako, uztailearen 12a baino lehen udaletxera jo beharko dute interesatuek.

Bestalde, elgetarrek garraio publikoarekin duten arazoa konpontzeko Udalak eskaria egin dio Gipuzkoako Foru Aldundiari, zerbitzu kopurua handitzeko.

Besteak beste, goizeko lehen orduetan ikasleak eskolara joateko eta eguerdian bueltatzeko autobusa egotea eskatu dute; baita goiz partean jendea Eskualde Ospitalera joateko zerbitzua ipintzea ere. Horrez gain, arratsaldean beste joan-etorri bat egitea.

GUTXIENEO BIDAIARI KOPURUA

Foru Aldundiak esan du zerbitzu horiek erabiliko dituzten gutxieneko bidaiari kopurua bermatu behar duela Udalak, eurek diruz lagundu ahal izateko. Bidaia bakoitzean hamar lagun joan beharko lukete.

Udala garraio publikoarekin arazo bertsua duten ibarreko beste bi herrirekin (Antzuola eta

Ikasleek uztailearen 12a baino lehen eman beharko dute izena eskolako autobuserako

Gatzaga) ipini da harremanetan eta autobus zerbitzuak bateratzea da euren nahia. Honela, jende gehiago joango litzateke bidaia bakoitzean.

Laster dira elkartzeokoak hiru udalotako ordezkariak gailariburuz berba egiteko, baina oraindik ez dute erabaki zehatzik hartu, eta Foru Aldunditik ere ez dute erantzun garbirik jaso.

Beraz, nahiz eta eskatutako zerbitzua ipiniko duten ez jakin, ikasleek izena eman beharko dute datorren ikasturterako. Izene-matea zabalik dago udaletxean. Jasotako erantzunaren arabera pentsatu beharko dute irailetik aurrera lineako autobusean edo beste moduren batean joango diren eskolara.

LABUR

Udaletxea goizez bakarrik egongo da zabalik uztailean

Udako giroarekin batera udako ordutegia izaten da hainbat lekutan, eta Elgetako udaletxean ere ordutegi berria izango da uztailean. Goizez egongo da zabalik, 08:00etatik 15:00etara. Beraz, udaletxean gestio, kontsulta edo bestelako eskariren bat egin nahi duten herritarrek goizean joan beharko dute bertara. Gainontzeko udal zerbitzuek, liburutegiak eta kiroldegia orain arteko ordutegia izango dute, baina uztailean itxita egongo dira.

Lau talde aurten Uda Kanpainan

Udalak hainbat kirol eta aisialdirako eskaintza egin ditu udarako, eta herritarrek hasi dira ikastaroetan. Lau talde sortu dira eta uztailean jardungo dute guztiek. Aisialdiko taldean 2 eta 5 urte arteko 15 ume daude bi begiraleekin. Multikiroletan, berriz, 14 neska-mutiko. Piraguis-moko ikastarorako bederatzilagunek eman dute izena, eta Oñatin, Usakon ibiliko dira. Nagusienez, 19 urtetik gorakoek, tai-chia egingo dute; Antzuola, Bergara eta Elgetako jendea dago. /I.A.



ELKARRIZKETA

KARMELE KORTA/GIZARTE LAGUNTAILEA

“Hirugarren adinekoek dituzten beharrei erantzutea da gure asmoa”

Zentro balioanizduna prest dago, eta datorren barikuan, hilaren 16an, inauguratu ostean, irailetik aurrera hasiko da funtzionatzen. Zentroaren nondik norakoak azaldu dizkigu Karmele Korta Udaleko Gizarte laguntzaileak.

Nola erabaki zenuten horrelako zentro bat ipintzea?

Orain arte adinekoendako etxez etxeko zerbitzua eskaini izan dugu, egunean hiru ordukoa; edo bestela egoitza, 24 ordukoa, Bergaran. Arrasateko eguneko zentroa erabiltzeko aukera ere bazegoen, baina nahiko urruti egunero joateko. Herrian bertan horrelako zerbitzu bat eskaintzeko beharra ikusi dugu.

Zein helburu ditu zentroak?

Hirugarren adinaren inguruan herrian dauden beharrei

erantzutea orain artean eskaini ditugun beste zerbitzuekin batera. Gure asmoa da pertsonak ahalik eta denbora luzeen etxean edo inguruan edukitzea.

Hirugarren adinekoek zein behar dituzte?

Arreta berezia behar du adineko pertsona askok, eta zentroan arreta hori emango zaie. Batzuk etxetik kanpo bizi-tzeko alternatiba bila etorriko dira, eta beste batzuk zainketa behar dutelako eta etxekoek ezin dietelako lagundu.

“Pertsonak ahalik eta denbora luzeen eduki nahi ditugu etxean edo inguruan”

Zein zerbitzu eskainiko dira?

Eguneko zentroan goizetik arratsaldera egon ahal izango da. Bazkaria eta askaria emateaz gain, garbiketa pertsonala egingo zaie eta ekintzak egingo dira. Bestetik, etxebizitza babestuan ostatuaz gain jaten ere emango zaie. Bakoitzaren jarraipena ere egingo da bertan.

Nori zuzenduta dago zentroa?

Eguneko zentroa ezinduen-dako izango da eta etxebizitza babestua, euren kabuz moldatzeko gai direnendako. Oraingoz bi lagun azaldu dira prest eguneko zentrorako, baina irailean hasiko garenez, jende gehiago etorriko delakoan gaude. Eguneko zentroan zazpi lagunendako tokia dago eta etxebizitza babestuan hirurendako. Zentroari buruzko informazioa nahi dutenak udal-txerara etor daitezke niregana, bertan egoten naiz astelehen eta eguenetan.



AINZANE IRIZAR

ETB KANTXA

Antolatzaileak pozik txapelketa amaituta

I.A.
ETB Kantxa lau t'erdiko pilota txapelketak aurtengoz eman du berea. Txapelketa amaituta Ozkarbi elkarteko antolatzaileek balorazio positiboa egin dute. “Pilotariak maila oso ona erakutsi dute eta partidu asko nahiko parekatuak izan dira. Ikusle alde-tik ere pozik egoteko moduan gaude, azken partiduetan ez ezik txapelketa guztian zehar nahikoa jende etorri baita partiduetan ikustera. Antolatzaile garen alde-tik pozik egoteko arrazoiak badira”, esan digu Juan Luis Uberak.

FINALEAN PILOTALEKUA GAINEZKA

Domekan jokatu ziren bi mailetako finalak, eta Udal Pilotalekua jendez gainezka izan zen. Kadete mailako finalean bi pilotariak ziren goizuetarrak, eta ikusleen artean Olaizola anaiak egon ziren herritarrak animatzen. Faboritua Apezetxea, iazko txapelduna, bazen ere, Narbartek jantzi zuen aurtengoz txapela. Emaitza 16-22 izan zen.

Bestalde, 23 urtez azpikoan mailan Zapirainek Arretxeri irabazi zion, 15-22. Zapirainek ere zale asko eraman zituen Azkoititik Elgetara.



Txapelketako finalistak eta sariak banatu zituztenak, Elgetako pilotalekuan.

BOLINAGA METALAK

SALBADOR 7
ELGETA 20690
GIPUZKOA
TEL: 943 76 80 64
FAX: 943 76 83 01

JAR EZAZU HEMEN ZURE PUBLIZITATEA

Goibekokale



Aperribay, s.l.

Marmoldegi eta granitoak

Pagatza indus. z/g.
Tel. eta faxa: 943 78 90 21

20690 ELGETA

ZURE AUTOAREN PIEZAK PUNTU-PUNTUAN




Giauto

Olabarrena z/g • 943 76 33 44/46 • Bergara • www.giauto.es



Berraondokua • 943 76 82 02 • Elgeta



San Lorentzo z/g • 943 76 13 84 • Bergara

MARKIEGI autoak

Leizeaga 1 • 943 76 35 09 • Bergara



Santalaitz 6, 5. pabilioia • 943 76 36 09 • Bergara
Ibaiondo bailara 17, 8. pabilioia • 943 69 16 16 • Irura



Amillaga 22 • 943 76 17 35 • Erakusketa: 943 76 51 35 • Bergara

Berria Garajea

Amillaga 49 • 943 76 22 43 • Bergara

ION AUTOAK

Amillaga 36 • 943 76 47 49 • Bergara



Lizarraga auzoa 8 • 943 78 70 77 • Antzuola